

**«Փրկարարական ծառայության համազգեստի ձևը,
տրման կարգը և օգտագործման ժամկետները
սահմանելու մասին» և «Հայաստանի
Հանրապետության կառավարության 2006
թվականի փետրվարի 2-ի N 249-Ն որոշումն ուժը
կորցրած ճանաչելու մասին» Հայաստանի
Հանրապետության կառավարության որոշումների
նախագծեր**

ՆԱԽԱԳԻԾ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

_____ 2020 թվականի N _____-Լ

**ՓՐԿԱՐԱՐԱԿԱՆ ԾԱՌԱՅՈՒԹՅԱՆ ՀԱՄԱԶԳԵՍՏԻ ՁԵՎԸ, ՏՐՄԱՆ ԿԱՐԳԸ ԵՎ
ՕԳՏԱԳՈՐԾՄԱՆ ԺԱՄԿԵՏՆԵՐԸ ՍԱՀՄԱՆԵԼՈՒ ՄԱՍԻՆ**

Ղեկավարվելով «Փրկարար ծառայության մասին» Հայաստանի
Հանրապետության օրենքի 56-րդ հոդվածի 2-րդ մասով՝ Հայաստանի
Հանրապետության կառավարությունը **որոշում է.**

1. Սահմանել՝

1) փրկարարական ծառայության համազգեստի ձևը՝ համաձայն N 1
հավելվածի.

2) փրկարարական ծառայության համազգեստի տրման կարգը և
օգտագործման ժամկետները՝ համաձայն N 2 հավելվածի:

**2. Սույն որոշումն ուժի մեջ է մտնում պաշտոնական հրապարակմանը
հաջորդող օրվանից:**

**Հայաստանի Հանրապետության
վարչապետ**
2020 թ. _____ —
Երևան

Ն. Փաշինյան

Հավելված N 1

Հայաստանի Հանրապետության կառավարության

2020 թվականի _____ — - ի N _____ -Լ որոշման

Ձ Ե Վ

ՓՐԿԱՐԱՐԱԿԱՆ ԾԱՌԱՅՈՒԹՅԱՆ ՀԱՄԱՉԳԵՍՏԻ

1. 1. ԸՆԴՀԱՆՈՒՐ ԴՐՈՒՅԹՆԵՐ

1. Սույն իրավական ակտով սահմանվում է Հայաստանի Հանրապետության արտակարգ իրավիճակների նախարարության Փրկարար ծառայության բարձրագույն, գլխավոր, ավագ, միջին և կրտսեր խմբերի պաշտոններ զբաղեցնող փրկարարական ծառայողների համազգեստի ընդհանուր ձևը:

2. ՓՐԿԱՐԱՐԱԿԱՆ ԾԱՌԱՅՈՒԹՅԱՆ ԾԱՌԱՅՈՂԻ ԽՈՐՀՐԴԱՆՇԱՆՆԵՐԸ ԵՎ ՏԱՐԲԵՐԱՆՇԱՆՆԵՐԸ

2. Փրկարարական ծառայության ծառայողների համագգեստի թևքի տարբերանշան(նկար 1):

Փրկարարական ծառայության միասնական վահանաձև տարբերանշանը խորհրդանշում է փրկարար ծառայությունը: Վերին մասում 12 չափսի տառատեսակով ասեղնագործված են «ՀԱՅԱՍՏԱՆ» և անգլերեն թարգմանությամբ՝ «ARMENIA» բառերը: Ստորոտում կամարած, 10 չափսի տառատեսակով ասեղնագործված են «ՓՐԿԱՐԱՐ ԾԱՌԱՅՈՒԹՅՈՒՆ» և անգլերեն թարգմանությունը՝ «RESCUE SERVICE»: Կարվում է աջ թևքի վրա:

3. Ութաթև խորհրդանշան (նկար 2):

Ոսկեգույն, ներսը հավասարակողմ եռանկյունի խորհրդանշանը միջազգային փրկարարական և քաղաքացիական պաշտպանության խորհրդանիշն է, որը կառուցվում է 2 խորանարդի (մեծ և փոքր) հատումից և նշանակում է օգնություն երկրագնդի բոլոր ուղղություններով: Ութաթև խորհրդանշանի կենտրոնում տեղավորված է քաղաքացիական պաշտպանությունը խորհրդանշող եռանկյունաձև տարբերանշանը: Ութաթև խորհրդանշանը փակցվում է համագգեստի ուսադիրի վրա:

4. Կոճակներ (նկար 2):

Մետաղյա, կլոր, ոսկեգույն՝ 22 մմ և 14 մմ չափսերի՝ Հայաստանի Հանրապետության զինանշանով:

5. Քաղաքացիական պաշտպանության տարբերանշանը (նկար 2)

կապույտ եռանկյունի է՝ նարնջագույն շրջանաձև հիմքի կենտրոնում՝ քաղաքացիական պաշտպանության միջազգային տարբերանշանի օրինակով:

6. Թևքի տարբերանշանները կրում են ձախ թևքի արտաքին կողմից ձմեռային (կիսասեզոնային) վերարկուների, կիսասեզոնային բաճկոնների, կիտելների, ձմեռային սվիտերների և բաճկոնների՝ թևքի վերևի կեսից մինչև նշանը՝ 90 մմ տարածությամբ:

7. Փրկարար ծառայության ստորաբաժանումների խորհրդանիշների ձևերը և նկարագրությունները հաստատում է Հայաստանի Հանրապետության արտակարգ իրավիճակների նախարարը:

3. ՓՐԿԱՐԱՐԱԿԱՆ ԾԱՌԱՅՈՒԹՅԱՆ ԲԱՐՁՐԱԳՈՒՅՆ ԵՎ ԳՆՂԱՊԵՏԻՑ ՄԻՆԶԵՎ ՓՐԿԱՐԱՐԱԿԱՆ ԾԱՌԱՅՈՒԹՅԱՆ ԼԵՅՏԵՆԱՆՏԻ ԿՈՉՈՒՄՆԵՐ ՈՒՆԵՑՈՂ ՓՐԿԱՐԱՐԱԿԱՆ ԾԱՌԱՅՈՂՆԵՐԻ ՏՈՆԱԿԱՆ ՀԱՄԱԶԳԵՍԸ

8. 8. Տոնական գլխարկ(նկար 3):

Մուգ փիրուզագույն կիսաբրդյա գործվածքից, սև լաքապատ հովհարով, գլխարկաբլուրքին ոսկեգույն կոճակներով ամրացված զարդապարանով: Գլխարկահատակի և գլխարկաբլուրքի վերին եզրով անցնում է 2 մմ լայնքով կարմիր մահուդից երիզ: Առջևի կենտրոնական մասում ամրացված է 80 x 54 մմ կոկարդ՝ Հայաստանի Հանրապետության արտակարգ իրավիճակների նախարարության խորհրդանշանով: Բարձրագույն խմբի կոչում ունեցող ծառայողների համար գլխարկաբլուրքին ամրացված են դափնետերևներ, իսկ կոկարդը՝ Հայաստանի Հանրապետության զինանշանն է:

9. Տոնական համազգեստի կիտե՛լ (նկար 4):

Մուգ փիրուզագույն կիսաբրդյա գործվածքից, մետաքսյա աստառով, մեկ շարքով տեղադրված 22 մմ 4 ոսկեգույն Հայաստանի Հանրապետության զինանշանով կոճակներով: Ունի 2 ներկարված գրպան՝ կափույրներով և 2 ծոցագրպան: Օձիքի դիմային ծայրերի ստորին հատվածում ամրացվում է ութաձև մետաղական խորհրդանիշը (նկար 2), իսկ բարձրագույն կոչումներ ունեցող ծառայողներինը՝ ասեղնագործված տերևներ: Աջ թևին ասեղնագործված է փրկարար ծառայության թևքանշանը, ձախ թևքին Հայաստանի Հանրապետության եռագույնը՝ ներքևում ասեղնագործված «ՀԱՅԱՍՏԱՆ» և Հայաստանի Հանրապետության արտակարգ իրավիճակների նախարարության խորհրդանշանը: Ուսադիրները՝ կարովի, ոսկեգույն, եզրագծերը կարմիր:

10. Տոնական վերարկու՝ ձմեռային:

Մուգ փիրուզագույն, կիսաբրդյա գործվածքից, լանջափեշերը կոճկվում են ոսկեգույն կոճակներով, ներքևի մասում 2 ներկարված գրպաններ՝ կափույրով, երկշերտ օձիքով և գոտիով, ձախ կրծքավանդակին մեկ ներկարված գրպան: Բարձրագույն խմբի կոչումներ ունեցող ծառայողների համար՝ հանովի կարակուլե օձիքով: Ուսադիրները՝ կարովի, մուգ փիրուզագույն, եզրագծերը կարմիր կամ նարնջագույն: Աջ թևքին՝ փրկարար ծառայության թևքանշանն է, ձախ թևքին Հայաստանի Հանրապետության եռագույնը՝ ներքևում ասեղնագործված «ՀԱՅԱՍՏԱՆ» և Հայաստանի Հանրապետության արտակարգ իրավիճակների նախարարության խորհրդանշանը:

11. Տոնական համազգեստի տաբատ (նկար 4):

Մուգ փիրուզագույն, կիսաբրդյա գործվածքից, ներկարված 2 կողային գրպաններով, հետևի մասում մեկ գրպան՝ կափույրով: Կողային կարերում կարմիր մահուդից երիզներ: Բարձրագույն խմբի կոչումներ ունեցող ծառայողների համար՝ կողքերին 2 լայն 25 մմ կարմիր գունաժապավեններ:

12. Տոնական վերնաշապիկ:

Սպիտակ գործվածքից, ծալովի օձիքով, ուղղահայաց ծալվածքով, կրծքամասում կոճակով, կափույրով և շերտակարով 2 վրադիր գրպաններով, ուղիղ գոտիով: Կոճկվում է կոճակներով, թևքերը՝ երկար (ձմեռային) և կարճ (ամառային), ուսերին տեղադրված են ուսադիրների ամրակներ: Ուսադիրները

սպիտակ՝ կարմիր եզրագծերով:

13. Տոնական համազգեստի փողկապ (նկար 5, 6):

Սև գործվածքից, ոսկեգույն ամրակով և զինանշանով:

14. Տոնական համազգեստի գոտի (նկար 4):

Դեղին գույնի մետաքսե գործվածքից, կոճկվում է 30 x 50 մմ արույրե ճարմանդով՝ վրան Հայաստանի Հանրապետության արտակարգ իրավիճակների նախարարության խորհրդանշանը:

15. Տոնական համազգեստի շարֆ:

Մուգ փիրուզագույն, կիսաբրդյա գործվածք՝ 125 սմ x 24 սմ չափսի:

16. Տոնական համազգեստի ձեռնոց:

Սպիտակ տրիկոտաժե գործվածքից, հնգամատնյա, երեսամասը դեկորատիվ կարագծերով:

17. Կանացի տոնական կիտել (նկար 4):

Մուգ փիրուզագույն կիսաբրդյա գործվածքից, մետաքսյա աստառով, մեկ շարքով տեղադրված 22 մմ 3 ոսկեգույն կոճակներով: Ունի 2 վրադիր գրպաններ՝ կափույրներով: Օձիքի դիմային ծայրերի ստորին հատվածում ամրացվում է ութաձև մետաղական խորհրդանիշը (նկար 2), իսկ բարձրագույն խմբի կոչումներ ունեցող ծառայողներին՝ ասեղնագործված տերևներ: Աջ թևին ասեղնագործված է Փրկարար ծառայության թևքանշանը, ձախ թևքին՝ Հայաստանի Հանրապետության եռագույնը՝ ներքևում ասեղնագործված «ՀԱՅԱՍՏԱՆ» և Հայաստանի Հանրապետության արտակարգ իրավիճակների նախարարության խորհրդանշանը: Ուսադիրները՝ ոսկեգույն, եզրագծերը կարմիր:

18. Տոնական կիսաշրջագգեստ (նկար 4):

Մուգ փիրուզագույն կիսաբրդյա գործվածքից, մետաքսյա աստառով: Կիսաշրջագգեստը պարզ ձևի, գոտիով, հետևի մասը՝ կենտրոնակարով և բաց դարձածալով:

19. Տոնական գլխարկ պիլոտկա (կանացի) (նկար 7):

Մուգ փիրուզագույն կիսաբրդյա գործվածքից, վերծավված եզրակարերը կարմիր մահուդե երիզով: Առջևի կենտրոնական մասում ամրացված է Փրկարար ծառայության կամ Արտակարգ իրավիճակների նախարարության խորհրդանշանով կոկարդ, իսկ բարձրագույն խմբի կոչում ունեցողների համար կոկարդը՝ Հայաստանի Հանրապետության զինանշանն է:

20. Տոնական երկարաճիտք կոշիկներ:

Սև գույնի, կիսալաքապատ բնական կաշվից: Ճտքերի վերին եզրերը կարմիր կաշվե եզրաքուղերով:

21. Սույն գլխով սահմանված տոնական համազգեստը կարող է հատկացվել նաև շքերթներում, զորահանդեսներում, հանդիսավոր երթերում ու նիստերում, պատվո պահակախմբի կազմում և այլ հանդիսավոր արարողություններում ընդգրկվող փրկարարական ծառայության ենթասպայից մինչև փրկարարական ծառայության շարքային կոչումներ ունեցող ծառայողներին, ինչպես նաև փողային նվագախմբի (փրկարարական ծառայող չհանդիսացող) երաժիշտներին:

4. 4. ՓՐԿԱՐԱՐԱԿԱՆ ԾԱՌԱՅՈՒԹՅԱՆ ԲԱՐՁՐԱԳՈՒՅՆ, ԳԼԽԱՎՈՐ, ԱՎԱԳ, ՄԻՋԻՆ, ԿՐՏՍԵՐ ԿՈՉՈՒՄՆԵՐ ՈՒՆԵՑՈՂ ՓՐԿԱՐԱՐԱԿԱՆ ԾԱՌԱՅՈՂՆԵՐԻ ԱՄԵՆՕՐՅԱ ՀԱՄԱՉԳԵՍՏԸ

24. Ամենօրյա համազգեստ՝ մուգ փիրուզագույն (նկար 8):

Կիսաբամբակյա գործվածքից, ծալովի օձիքով, կոճկվում է շղթայով կամ կոճակով, ուսադիրները՝ հանովի: Ներքևի մասում երկկողմանի ներկարված թեք գրպաններ, առանց կափույրի, շղթայով: Կրծքամասի աջ գրպանի կափույրի վրա ամրացվում է «MES OF ARMENIA», իսկ ձախ գրպանի կափույրի վրա՝ արյան կարգը տարբերանշանները: Բաճկոնի աջ թևքին ամրացված է Փրկարար ծառայության թևքանշանը, իսկ ձախ թևքին Հայաստանի Հանրապետության եռագույնը՝ ներքևում «ՀԱՅԱՍՏԱՆ» և Հայաստանի Հանրապետության արտակարգ իրավիճակների նախարարության խորհրդանշանը: Օձիքի դիմային ծայրերի ստորին հատվածում ամրացվում է ութաձև մետաղական խորհրդանիշը (նկար 2), իսկ բարձրագույն խմբի կոչում ունեցող ծառայողներինը՝ ասեղնագործված դափնետերևներ: Ուսադիրները՝ հանովի, համազգեստի գունավորմամբ:

Տաբատը՝ ազատթող փողքերով, 2 կողային ներկարված գրպանով, հետևի մասում՝ մեկ գրպան՝ կափույրով: Բարձրագույն կոչումներ ունեցող ծառայողների համար՝ կողքերին 2 լայն 25 մմ կարմիր գունաժապավեններ:

Կիսաշրջագգեստը՝ մետաքսյա աստառով, պարզ ձևի, գոտիով, հետևի մասը՝ կենտրոնակարով և բաց դարձածալով:

25. Ամենօրյա՝ մուգ փիրուզագույն համազգեստի ձմեռային բաճկոն և տաբատ (նկար 17):

Բաճկոնը՝ ձմեռային տաք ներդիրով: Օձիքը՝ արհեստական մորթուց, մուգ կապույտ կամ սև գույնի (հանովի), որին ամրացված է հանովի գլխանոց:

Օձիքի դիմային ծայրերի ստորին հատվածում ամրացվում է ութաձև մետաղական խորհրդանշը, իսկ բարձրագույն խմբի կոչում ունեցող ծառայողներին՝ ասեղնագործված դափնետերևներ: Առաջնամասում մշակված են վրադիր 2 գրպաններ՝ կափույրներով և կողային գրպաններ: Կրծքամասի աջ գրպանի կափույրի վրա ամրացվում է «MES OF ARMENIA», իսկ ձախ գրպանի կափույրի վրա՝ արյան կարգը տարբերանշանները: Բաճկոնի աջ թևքին ասեղնագործված է Փրկարար ծառայության թևքանշանը, իսկ ձախ թևքին՝ Հայաստանի Հանրապետության եռագույնը՝ ներքևում «ՀԱՅԱՍՏԱՆ» և Հայաստանի Հանրապետության արտակարգ իրավիճակների նախարարության խորհրդանշանը: Ուսադիրները համազգեստի գունավորմամբ՝ ամրացվում են ուսերին կամ կրծքավանդակի կենտրոնում կաշուն ժապավենի տեսքով:

Տաքստն աստառացուի հետ մզդակարված սինտեպոնով, ունի 2 ներկարված կողային գրպաններ և 2 կափույրով գրպաններ հետևի մասում: Բարձրագույն խմբի կոչումներ ունեցող ծառայողների համար՝ կողքերին 2 լայն 25 մմ կարմիր գունաժապավեններ:

26. Ամենօրյա համազգեստի շապիկ (մայկա)՝ կարճաթև և երկարաթև:

Բամբակյա գործվածքից, կապույտ կամ բաց շագանակագույն գույնի, կլորավուն օձիքով, ձախ թևին՝ Հայաստանի Հանրապետության եռագույն դրոշմը:

27. Ամենօրյա մուգ փիրուզագույն համազգեստի կիսաբամբակյա ամառային գլխարկ (նկար 10): Փրկարարական ծառայության սպայական անձնակազմի համար:

Սև լաքապատ գլխարկահովհարով, առջևի կենտրոնական մասում ամրացված է Հայաստանի Հանրապետության արտակարգ իրավիճակների նախարարության խորհրդանշանը, իսկ բարձրագույն խմբի կոչում ունեցող ծառայողների համար՝ գլխարկաբլուրը դափնետերևներով, կոկարդը՝ Հայաստանի Հանրապետության զինանշանը:

28. Ամենօրյա համազգեստի ամառային գլխարկ (կեպի և պիլոտկա)՝ մուգ փիրուզագույն (նկար 11, 12):

Կիսաբամբակյա գործվածքից, ճակատային մասում ամրացված է Հայաստանի Հանրապետության արտակարգ իրավիճակների նախարարության կամ Փրկարար ծառայության խորհրդանշանը:

29. Ամենօրյա համազգեստի ձմեռային գլխարկ՝ մուգ փիրուզագույն (նկար 14):

Բաղկացած է թասակից, ականջակալներից, ճակատային մասից և կոշտ հովհարից, որի վերևի կենտրոնական մասում կարվում է Հայաստանի Հանրապետության արտակարգ իրավիճակների նախարարության խորհրդանշանը: Ականջակալները մշակված են արհեստական մուգ կապույտ

կամ սև մորթուց, իսկ բարձրագույն խմբի կոչում ունեցող ծառայողների համար՝ գլխարկաբուլորը դափնետերևներով, կոկարդը՝ Հայաստանի Հանրապետության զինանշանը:

30. Ձմեռային կարակուլե գլխարկ (նկար 15)

Կոշտ հովհարով, մորթե ականջակալներով, թասակը սև բնական կաշվից, միջնամասում կաշեպատ, 14 մմ չափսի կոճակով, որը կրում են փրկարարական ծառայության բարձրագույն խմբի պաշտոններ ունեցող ծառայողները: Բարձրագույն խմբի կոչում ունեցող ծառայողների համար գլխարկի ճակատային մասում ամրացվում է Հայաստանի Հանրապետության զինանշանը, մնացած դեպքերում՝ ԱԻՆ խորհրդանշանը:

31. Ամենօրյա կիտել-տաբատ:

Մուգ փիրուզագույն կիսաբրդյա գործվածքից: Ունի 2 ներկարված գրպան՝ կափույրներով և 2 ծոցագրպան: Օձիքի դիմային ծայրերի ստորին հատվածում ամրացվում է ութաձև մետաղական խորհրդանիշը, իսկ բարձրագույն կոչումներ ունեցող ծառայողներինը՝ ասեղնագործված դափնետերևներ: Աջ թևին ասեղնագործված է փրկարար ծառայության թևքանշանը, ծախ թևքին Հայաստանի Հանրապետության եռագույնը՝ ներքևում ասեղնագործված «ՀԱՅԱՍՏԱՆ» և Հայաստանի Հանրապետության արտակարգ իրավիճակների նախարարության խորհրդանշանը: Ուսադիրները՝ կարովի, փիրուզագույն:

Տաբատը՝ մուգ փիրուզագույն, կիսաբրդյա գործվածքից, ներկարված 2 կողային գրպաններով, հետևի մասում մեկ գրպան: Կողային կարերում կարմիր մահուդից երիզներ: Բարձրագույն խմբի կոչումներ ունեցող ծառայողների համար՝ կողքերին 2 լայն 25 մմ կարմիր գունաժապավեններ:

Գլխարկը՝ մուգ փիրուզագույն կիսաբրդյա գործվածքից, սև լաքապատ հովհարով, գլխարկաբուլորքին ոսկեգույն կոճակներով ամրացված զարդապարանով: Հայաստանի Հանրապետության արտակարգ իրավիճակների նախարարության խորհրդանշանն է: Բարձրագույն խմբի կոչում ունեցող ծառայողների համար գլխարկաբուլորքին ամրացված են դափնետերևներ, իսկ կոկարդը՝ Հայաստանի Հանրապետության զինանշանն է:

32. Ամենօրյա վերնաշապիկ:

Կապույտ գործվածքից, ծալովի օձիքով, ուղղահայաց ծալվածքով,

կրծքամասում կոճակով, կափույրով և շերտակարով 2 վրադիր գրպաններով, ուղիղ գոտիով: Կոճկվում է կոճակով, թևքերը՝ երկար (ձմեռային) և կարճ (ամառային), ուսերին տեղադրված են ուսադիրների ամրակներ:

33. 33. Ամենօրյա համազգեստի փողկապ:

Փիրուզագույն գործվածքից, ոսկեգույն ամրակով:

34. Ամենօրյա համազգեստի ձմեռային երկարաթև սվիտեր:

Կապույտ գույնի, կիսաբրդյա կամ ակրիլ, ուսերը վրակարված են մուգ կապույտ կամ շագանակագույն գործվածքով:

Օձիքը՝ շրջանաձև բացվածքով:

35. Ամենօրյա համազգեստի ձմեռային անթև սվիտեր (ժիլետ):

Կապույտ կամ շագանակագույն գույնի կիսաբրդյա կամ ակրիլ, ուսերը պատված են մուգ կապույտ կամ շագանակագույն գործվածքով: Օձիքը՝ շրջանաձև բացվածքով:

36. Ձեռնոց՝ ամենօրյա:

Ամենօրյա ձեռնոց՝ փիրուզագույն կամ շագանակագույն խիտ բրդյա գործվածքից:

37. Ձմեռային երկարաթև սվիտեր՝ սև:

Սև գույնի, կիսաբրդյա կամ ակրիլ: Օձիքը՝ շրջանաձև բացվածքով:

38. Ձմեռային անթև սվիտեր՝ սև (ժիլետ):

Սև գույնի, կիսաբրդյա կամ ակրիլ: Օձիքը՝ շրջանաձև բացվածքով:

39. Կաշեգոտի՝ 50 մմ լայնությամբ, մետաղյա ճարմանդով:

40.Քաղաքացիական պաշտպանության համազգեստի շապիկ (մայկա)՝ կարճաթև և երկարաթև:

Բամբակյա գործվածքից, բաց կանաչ գույնի, կլորավուն օձիքով, ձախ թևին՝ Հայաստանի Հանրապետության եռագույն դրոշմ:

41. Ամենօրյա համազգեստ՝ քողարկող (նկար 9):

Գործվածքի պատկերը թվային, կոճկվում է կենտրոնական կոճկվածքով՝ 5 կոճակօղակներով: Առաջամասում մշակված են վրադիր 4 գրպաններ՝ կափույրներով: Կրծքամասի աջ գրպանի կափույրի վրա ասեղնագործված է MES OF ARMENIA, իսկ ձախ գրպանի կափույրի վրա՝ արյան կարգը

տարբերանշանները: Բաճկոնի աջ թևքին՝ ամրացված է Փրկարար ծառայության թևքանշանը, իսկ ձախ թևքին՝ Հայաստանի Հանրապետության եռագույնը՝ ներքևում «ՀԱՅԱՍՏԱՆ» և Հայաստանի Հանրապետության արտակարգ իրավիճակների նախարարության խորհրդանշանը: Օձիքի դիմային ծայրերի ստորին հատվածում ամրացվում է ութաձև մետաղական խորհրդանիշը (նկար 2), իսկ բարձրագույն խմբի կոչում ունեցող ծառայողներինը՝ ասեղնագործված դափնետերևներ: Ուսադիրները համազգեստի գունավորմամբ:

Տաբատի գործվածքի պատկերը թվային: Տաբատն առաջնամասում ունի թեք ներկարված 2 գրպաններ, ետևամասի աջ կողմում ներկարված 1 գրպան, իսկ կողքերից մշակված են մեկական վրադիր գրպաններ՝ կափույրներով:

42. Ամենօրյա քողարկող համազգեստի ձմեռային բաճկոն և տաբատ (նկար 18):

Գործվածքի պատկերը թվային, անջրաթափանց ծածկույթով, կոճկվում է շղթայով և 6 կոճակ-դակներով: Առաջնամասում մշակված են վրադիր 4 գրպաններ՝ կափույրներով: Կրծքամասի աջ գրպանի կափույրի վրա՝ արյան կարգը տարբերանշանները: Բաճկոնի աջ թևքին ասեղնագործված է Փրկարար ծառայության թևքանշանը: Բաճկոնին միացված է անջրաթափանց գործվածքից գլխանոց և մորթե օձիք: Օձիքի դիմային ծայրերի ստորին հատվածում ամրացվում է ութաձև մետաղական խորհրդանիշը, իսկ բարձրագույն խմբի կոչում ունեցող ծառայողներինը՝ ասեղնագործված դափնետերևներ: Ուսադիրները համազգեստի գունավորմամբ՝ ամրացվում են ուսերին կամ կրծքավանդակին:

Տաբատի գործվածքի պատկերը թվային, անջրաթափանց ծածկույթով, մշակված գոտիով, աստառացուի հետ մզդակարված սինտեպոնով: Տաբատն առաջնամասում ունի թեք ներկարված 2 գրպաններ, ետևամասի աջ կողմում ներկարված 1 գրպան, իսկ կողքերից մշակված են մեկական վրադիր գրպաններ՝ կափույրներով:

43. Ամենօրյա քողարկող համազգեստի գոտի:

Արտադրվում է տիսմայից և համազգեստի քողարկող կամ կանաչ գործվածքից: Գոտու երիզահանգույցը՝ մետաղյա ճարմանդով:

44. Ամենօրյա քողարկող համազգեստի ամառային գլխարկ (կեպի) (նկար 13):

Գործվածքի պատկերը թվային, կոշտ հովհարով, որի վերևի կենտրոնական մասում կարվում է Հայաստանի Հանրապետության արտակարգ իրավիճակների նախարարության խորհրդանշանը:

45. Ամենօրյա քողարկող համազգեստի ձմեռային գլխարկ (կեպի) (նկար 16):

Գործվածքի պատկերը թվային, անջրաթափանց ծածկույթով, կոշտ հովհարով, սև գույնի մորթե ականջակալներով և ծոծրակամասով: Հովհարի վերևի կենտրոնական մասում կարվում է Հայաստանի Հանրապետության արտակարգ իրավիճակների նախարարության խորհրդանշանը:

46. Քաղաքացւական պաշտպանության կանաչ համազգեստի ձմեռային բաճկոն և տաբատ:

Գործվածքը անջրաթափանց ծածկույթով, կոճկվում է շղթայով և 6 կոճակօղակներով: Առաջնամասում մշակված են վրադիր 4 գրպաններ՝ կափույրներով: Կրծքամասի աջ գրպանի կափույրի վրա ամրացվում է «MES OF ARMENIA», իսկ ձախ գրպանի կափույրի վրա՝ «արյան կարգը» տարբերանշանները: Բաճկոնի աջ թևքին ամրացված է Փրկարար ծառայության թևքանշանը: Ձախ դիմային գրպանի կենտրոնում ամրացվում է Փրկարար ծառայության համապատասխան ստորաբաժանման խորհրդանշանը: Բաճկոնին միացված է անջրաթափանց գործվածքից գլխանոց և մորթե օձիք: Օձիքի դիմային ծայրերի ստորին հատվածում ամրացվում է ութաձև մետաղական խորհրդանիշը, իսկ բարձրագույն կոչում ունեցող ծառայողներինը՝ ասեղնագործված դափնետերևներ: Ուսադիրները համազգեստի գունավորմամբ՝ կոչմանը համապատասխան հնգաթև ուռուցիկ աստղերով՝ ամրացվում են ուսերին կամ կրծքավանդակի կենտրոնում:

Տաբատի գործվածքը անջրաթափանց ծածկույթով, աստառացուի հետ մզդակարված սինտեպոնով: Տաբատն առաջնամասում ունի թեք ներկարված 2 գրպաններ, ետևամասի աջ կողմում ներկարված մեկ գրպան, իսկ կողքերից մշակված են մեկական վրադիր գրպաններ՝ կափույրներով: Առաջնամասում մշակված են ծնկակալներ: Բարձրագույն խմբի կոչումներ ունեցող ծառայողների համար՝ կողքերին 2 լայն 25 մմ կարմիր գունաժապավեններ:

47. Քաղաքացիական պաշտպանության կանաչ համազգեստի ձմեռային գլխարկ:

Բաղկացած է թասակից, ականջակալներից, ճակատային մասից և կոշտ հովհարից, որի վերևի կենտրոնական մասում կարվում է Հայաստանի Հանրապետության արտակարգ իրավիճակների նախարարության խորհրդանշանը: Ականջակալները մշակված են արհեստական մուգ կանաչ կամ սև մորթուց, իսկ բարձրագույն խմբի պաշտոն զբաղեցնող ծառայողների համար՝ գլխարկաբոլորը դափնետերևներով, կոկարդը՝ Հայաստանի Հանրապետության զինանշանը, իսկ ականջակալները մշակված են բնական մուգ կանաչ կամ սև մորթուց:

48.Քաղաքացիական Պաշտպանության կանաչ ամենօրյա համազգեստի լրակազմ: Համազգեստը բաղկացած է տաբատից, բաճկոնից և կեպիից: Գույնը մուգ կանաչ:

Բաճկոնը՝ ունի ծալովի, ուղղանկյունաձև կանգունակով օձիք: Օձիքի դիմային ծայրերի ստորին հատվածում ամրացվում է ութաձև մետաղական խորհրդանիշը, իսկ բարձրագույն խմբի կոչում ունեցող ծառայողներինը՝ ասեղնագործված դափնետերևներ: Առաջամասում մշակված են 4 ծավալուն գրպաններ՝ կափույրներով, որոնցից երկուսը կրծքամասում, երկուսը

առաջամասի կողային հատվածներում: Կրծքամասի աջ գրպանի կափույրի վրա ամրացվում է «MES OF ARMENIA», իսկ ձախ գրպանի կափույրի վրա՝ «արյան կարգը» տարբերանշանները: Աջ թևքին՝ ամրացված է ՓԾ թևքի տարբերանշանը, ձախ թևքին՝ ՀՀ եռագույնը և Հայաստանի Հանրապետության արտակարգ իրավիճակների նախարարության խորհրդանշանը:

Տաբատը՝ ուղիղ ձևվածքով, առաջամասում կողային թեք ներկարված գրպաններով: Տաբատի կողային հատվածներում՝ ծնկամասից վերև, մշակված են ծավալուն (եռածալ) վրադիր գրպաններ՝ կափույրներով: Տաբատի ետևամասի աջ կողմում ներկարված է կափույրով գրպան: Բարձրագույն խմբի կոչումներ ունեցող ծառայողների համար՝ կողքերին 2 լայն 25 մմ կարմիր գունաժապավեններ:

Կեպին՝ աստառով, կազմված կոշտ հովհարից, միջնամասից, կողամասերից և հատակից: Գլխարկաբլորքի կենտրոնում ամրացված է Հայաստանի Հանրապետության արտակարգ իրավիճակների նախարարության խորհրդանիշը, իսկ բարձրագույն խմբի կոչում ունեցող ծառայողների համար գլխարկաբլորքին ամրացված են դափնետերևներ, իսկ կոկարդը՝ Հայաստանի Հանրապետության զինանշանն է:

49. Քաղաքացիական պաշտպանության համազգեստի ձմեռային երկարաթև սվիտեր:

Բաց կանաչ գույնի, կիսաբրդյա կամ ակրիլ, ուսերը վրակարված են մուգ կանաչ գործվածքով: Օձիքը՝ շրջանաձև բացվածքով:

50. Քաղաքացիական պաշտպանության համազգեստի ձմեռային անթև սվիտեր (ժիլետ):

Բաց կանաչ գույնի, կիսաբրդյա կամ ակրիլ, ուսերը վրակարված են մուգ կանաչ գործվածքով: Օձիքը՝ շրջանաձև բացվածքով:

51. Կոշիկ ամենօրյա:

Կարված է սև, բնական կաշվից:

52. Կիսաճտքավոր կոշիկ:

Կարված է սև, բնական կաշվից:

53. Ճտքավոր կոշիկ:

Բնական կաշվից, գույնը սև:

54. 54. Ամենօրյա համազգեստ՝ սև գույնի (լրակազմ) - Համազգեստը

բաղկացած է տաբատից, բաճկոնից, գլխարկից և մայկայից:

Բաճկոնը՝ միալանջ, կոճկվում է կենտրոնական կոճկվածքով՝ սև գույնի երկկողմանի երիզաշղթայով: Օձիքը ծալովի, ուղղանկյունաձև կանգունակով: Բաճկոնի առաջնամասի կրծքավանդակի մասում ներկարված են 2 գրպաններ՝ կափույրներով: Կրծքամասի գրպանների կափույրների վրա կարվում են սև գույնի կաշուն ժապավեններ: Ձախ գրպանի կափույրի վրա տեղադրվում է սև գույնի՝ վրան սպիտակ թելով ասեղնագործված կրողի «**ԱՆՈՒՆ, ԱԶԳԱՆՈՒՆԸ**», իսկ աջ գրպանի կափույրի վրա՝ կրողի «**ՊԱՇՏՈՆԸ**» տարբերանշանը Աջ թևքին՝ ասեղնագործված է Հայաստանի Հանրապետության արտակարգ իրավիճակների նախարարության խորհրդանշանը, իսկ ձախ թևքին՝ ՀՀ եռագույնը, որից 1 սմ ներքև ասեղնագործված է «ՀԱՅԱՍՏԱՆ» տարբերանշանը: Ուսադիրները համազգեստի գունավորմամբ՝ կոչմանը համապատասխան հնգաթև ուռուցիկ աստղերով՝ ամրացվում են ուսերին կամ կրծքավանդակի կենտրոնում:

Տաբատը՝ ազատթող փողքերով, առաջնամասում 2 կողային ներկարված գրպաններով, հետևի աջ կողմում ներկարված մեկ գրպանով:

Գլխարկը կազմված է ճակատամասից, գլխարկահատակից, լաքապատ հովհարից, կարգավորվող արհեստական կաշվից, ճակատափոկից և գլխարկաբլուրքից, որի վրա ոսկեգույն կոճակով ամրացվում է զարդապարան: Կենտրոնական մասում կարվում է Հայաստանի Հանրապետության արտակարգ իրավիճակների նախարարության խորհրդանշանը, իսկ պահեստագործի բարձրագույն սպայական կոչման դեպքում Հայաստանի Հանրապետության զինանշանը: Հովհարը հավաքովի է, սև գույնի, արտաքինից լաքապատ, իսկ ներսամասը՝ բարխաթե գործվածքից:

Շապիկը (մայկա) սպիտակ գույնի, գործվածքը տրիկոտաժ, ուղիղ ձևածքով, կարճաթև, կլորավուն օձիքով՝ վզամասը մշակված տրիկոտաժե էլաստիկ մանժետով: Ձախ թևին ասեղնագործված է ՀՀ եռագույն դրոշը:

55. **Ձմեռային գլխարկ՝ սև:**

Գույնը սև: Բաղկացած է թասակից, ականջակալներից, ճակատային մասից և կոշտ հովհարից, որի վերևի կենտրոնական մասում կարվում է Հայաստանի Հանրապետության արտակարգ իրավիճակների նախարարության խորհրդանշանը, իսկ պահեստագործի բարձրագույն սպայական կոչման դեպքում Հայաստանի Հանրապետության զինանշանը: Ականջակալները մշակված են արհեստական սև մորթուց:

56. **Ձմեռային բաճկոն և տաբատ՝ սև:**

Բաճկոնը՝ ձմեռային տաք ներդիրով փակվող երկկողմանի երիզաշղթայով կոճկվող ռեզինե գոտիով: Օձիքը՝ արհեստական մորթուց, սև գույնի (հանովի), որին լայն ամրակներով ամրացված է հանովի գլխանոց: Բաճկոնը 2 կողային գրպաններով, ձախ թևի վրա կափույրով գրպան: Առաջնամասում մշակված են վրադիր 2 գրպաններ՝ կափույրներով: Ձախ գրպանի կափույրի վրա տեղադրվում է սև գույնի՝ վրան սպիտակ թելով ասեղնագործված կրողի «**ԱՆՈՒՆ, ԱԶԳԱՆՈՒՆԸ**», իսկ աջ գրպանի կափույրի

վրա՝ կրողի «**ՊԱՇՏՈՆԸ**»: Աջ թևքին ասեղնագործված է Հայաստանի Հանրապետության արտակարգ իրավիճակների նախարարության խորհրդանշանը, իսկ ձախ թևքին՝ ՀՀ եռագույնը, որից 1 սմ ներքև՝ «**ՀԱՅԱՍՏԱՆ**» տարբերանշանը: Ուսադիրները համազգեստի գունավորմամբ՝ կոչմանը համապատասխան հնգաթև ուռուցիկ աստղերով՝ ամրացվում են ուսերին կամ կրծքավանդակի կենտրոնում:

Տաբատն աստառացուի հետ մզդակարված սինտեպոնով, ունի 2 ներկարված կողային գրպաններ, 2 կափույրով գրպանների հետևի մասում, որոնք ամրացվում են կոճակով:

5. ՓՐԿԱՐԱՐԱԿԱՆ ԾԱՌԱՅՈՒԹՅԱՆ ԾԱՌԱՅՈՂԻ ՀԱՏՈՒԿ ԵՎ ՊԱՇՏՊԱՆԻՉ ՀԱՄԱԶԳԵՍԸ

59. Փրկարարի ձմեռային կոշիկներ:

Կաշվե, տաք ներդիրով կամ կիսասետոնային:

61. 61. Փրկարարի ձմեռային ժիլետ:

Վատ եղանակից և ցրտից պաշտպանվելու համար՝ մուգ փիրուզագույն պոլիէթիլենից՝ էլաստիկ: 6 գրպանով՝ ռադիոկայանի, կեռիկների, փոկերի և անհրաժեշտ իրերի համար: Թիկունքին լուսարձակող ժապավեններով:

64. Մարտական հագուստ՝ հրակայուն, ջրակայուն՝ (նկար 20):

Բաղկացած է սաղավարտից, բաճկոնից, տաբատից, ժիլետից, ձեռնոցներից և ճոքավոր կամ կիսաճոքավոր կոշիկներից: Ջերմադիմացկուն գործվածքից, բաճկոնի մեջտեղի, ստորին, թևքերի, ինչպես նաև տաբատի ստորին հատվածներում լուսարձակող ժապավեններով: Բաճկոնի և տաբատի կողային հատվածներում երկուսական ծավալուն գրպաններ՝ կափույրներով և մեկ կափույրով գրպան՝ կրծքավանդակի ձախ կողմում: Բաճկոնը կոճկվում է փակ շղթայով և կաչուն ժապավեններով, մեջքին գրված է «ԱԻՆ ՀԱՅԱՍՏԱՆ»:

Կոշիկները ջերմադիմացկուն և հարվածադիմացկուն, ռետինե բռնակներով:

65. Մարտական պաշտպանիչ համազգեստը պետք է դիմակայի մինչև +300°C ջերմաստիճանի պայմաններում՝ ոչ պակաս 300 վայրկյան, իսկ դիմակայումը +400°C ջերմաստիճանով կոշտ մակերևույթի հետ շփվելու պայմաններում՝ ոչ պակաս 10 վայրկյան:

66. 66. Երկարաճիտք կոշիկներ՝ հրակայուն, ջրակայուն:

Կոշիկի երեսացուն կազմված է ռետինե և գործվածքե շերտերից, որը միանում է տակացուին սոսնձվելու և վուկանացման եղանակով: Տակացուն և քթամասն ունեն պողպատե միջադիրներ, որոնք ունեն անտիստատիկ պաշտպանվածություն էլեկտրական հոսանքից:

68. 68. Փրկարարի ձմեռային կիսաբաճկոն:

Տաք ներդիրով, փակվող երկկողմանի երիզաշղթայով: Մորթե օձիքով, ամրակներով ամրացված հանովի գլխարկով: Բաճկոնի աջ թևքին ասեղնագործված է Փրկարար ծառայության թևքանշանը, իսկ ձախ թևքին՝ Հայաստանի Հանրապետության եռագույնը, ներքևում «ՀԱՅԱՍՏԱՆ» և Հայաստանի Հանրապետության արտակարգ իրավիճակների նախարարության խորհրդանշանը: Ուսադիրները համազգեստի գունավորմամբ: Թևքերին և թիկունքին լուսարձակող ժապավեններով:

69. 69. Թիկնոց-անձրևանոց:

Մուգ գույնի երանգավորումներով թվային պատկերով, անջրաթափանց արհեստական գործվածքից, գլխանոցով: Թիկնոցը կողքերից կոճկվում է սեղմակ կոճգամներով:

70. Զրահաբաճկոն՝ արտաքին կրման (նկար 23):

Զրահաբաճկոնը պողպատե զրահատարրերով պատյան է՝ կազմված դիմային և հետին մա-սերից, որոնք գործվածքե ինքնակաշուն ճարմանդներով և եռաժանի ամրակներով իրար են միանում ուսերի և կողային հատվածներում: Գործվածքե ծածկը պաշտպանական գունավորմամբ:

71. Ռազմական սաղավարտ (նկար 23):

Սաղավարտը կազմված է թափքից, կապարճե հիմքից, արժափոկերից: Սաղավարտն ականջախեցիների մասում լայնացած է, եզրերով ամրացված է ռետինե եզրագիծ: Թափքի գույնը՝ սև: Գործվածքե ծածկը և պատյանը պաշտպանական գունավորմամբ:

72. 72. Աշխատանքային համազգեստներ/կոմբինեզոն/ (նկար 24):

Բաղկացած է բաճկոնից, տաբատից և կեպիից, լուսարձակող ժապավեններով, ծալվող օձիքով, կոճկվում է կոճգամներով կամ շղթայով, առաջնամասում մշակված են գրպաններ ռադիոկայանի, կեռիկների, փոկերի և անհրաժեշտ իրերի համար: Բաճկոնի աջ թևքին՝ Փրկարար ծառայության թևքանշանն է, իսկ ձախ թևքին՝ Հայաստանի Հանրապետության եռագույնը՝ ներքևում «ՀԱՅԱՍՏԱՆ» տարբերանշանը և Հայաստանի Հանրապետության արտակարգ իրավիճակների նախարարության խորհրդանշանը: Գործվածքի գույնը կարող է փոխվել՝ կախված օգտագործման նպատակից:

Տաբատը՝ ուղիղ ձևվածքով, մշակված գոտիով, առաջամասում կողային թեք ներկարված գրպաններով: Տաբատի կողային հատվածներում, ծնկամասից վերև ծավալուն վրադիր գրպաններ, հետնամասի աջ կողմում՝ ներկարված գրպան: Փողկերին ունի լուսարձակիչ ժապավեններ:

Կեպին՝ աստառով, կոշտ հովհարով: Գլխարկաբուլոքի կենտրոնում Հայաստանի Հանրապետության արտակարգ իրավիճակների նախարարության խորհրդանշանի շրջանակաձև տարբերակը, հետևամասում երկկողմանի մշակված պլաստմասե կարգավորիչ:

73. ՄԱԿ-ի միջազգային որոնողափրկարարական խորհրդատվական խմբի«**INSARAG**»-ի **համազգեստ**(նկար 25):

Մուգ կապույտ գործվածքից, մեջքի, կրծքավանդակի և տաբատի ծնկնամասերում լուսարձակող ժապավեններով: Կրծքավանդակի կենտրոնական մասում ամրանում է կոչման տարբերանշան: Կրծքավանդակի ձախ կողմում՝ լուսարձակող ժապավենի վերնամասում ամրանում է արյան կարգի տարբերանշանը, իսկ աջ կողմում տարբերանշաններ՝ արյան կարգը և «Rescuer»: Մեջքին՝ լուսարձակող ժապավենից ներքև, և կեպիի կենտրոնական մասում գրված է «ARM USAR»:

74. **Սակրավորի համազգեստ** (նկար 26):

Բաղկացած է պաշտպանիչ բաճկոնից, տաբատից, անդրավարտիքից, ձեռնոցներից, լապտերով սաղավարտից և կոշիկներից: Համազգեստը գրահապատ՝ ապահովում է հակաբեկորային պաշտպանվածություն: Օդափոխության և սառեցման համակարգը թույլատրում է շրջակա միջավայրի +50°C-ի պայմաններում աշխատել 30 րոպե: Սաղավարտն օժտված է ռադիոակուստիկ համակարգով: Տաբատն ունի հատուկ գրպան՝ ողնաշարի անատոմիական պրոյեկցործվածքի համար:

75. **Լեռնափրկարարի հանդերձանք՝ լրակազմ** (նկար 27):

Բաղկացած է ձմեռային անջրանցիկ բաճկոնից, ճտքավոր կոշիկներից, գլխարկից, ականջակալից, թերմո շապիկից և ձեռնոցներից: **Բաճկոնը՝** կապույտ գույնի, տաք ձմեռային ներդիրով, կոճկվում է կենտրոնական կոճկածքով՝ երկկողմանի երիզաշղթայով, առջևում երկու կողային թեք գրպաններ, ունի օձիքին միացված խողովակաձև գլխանոց, ներսում բացվածքի չափսը կարգավորող էլաստիկ պարան: **Տաբատի-կոմբինեզոն** ունի միջադրված ջերմամեկուսիչ շերտ, կրկնակի փականներով ջրամեկուսիչ երիզաշղթաներ, երկու ներկարված կողային գրպաններ, գոտկատեղիի կենտրոնում երկու կոճգամներով: **Գլխարկը՝** բալակլավա (պարանոցն ընդգրկող) տեսակի: **Ձեռնոցը՝** հնգամատյա, էլաստիկ ժապավեններով միջադրված բազկակալերով: **Ականջակալը՝** ֆլիսե (քողարկումով), անատոմիական կառուցվածքով: **Թերմո շապիկը՝** ուղիղ ձևածքով, երկարաթև, կլորավուն օձիքով: **Կոշիկը՝** բնական կաշվից, կազմված է երեսամասից, ճիտքերից ու ռետինե տակացուից:

76. **Ջրասուզակի հանդերձանք** (նկար 28).

1) **ամառային**, բաղկացած է անջրանցիկ կոմբինեզոնից, շնչադիմակից, շնչառական ապարատից, լողաթաթերից, ակնոցից, ջրային լապտերից.

2) **ձմեռային**, բաղկացած է անջրանցիկ՝ մինչև մինուս 50°C ցրտադիմացկուն կոմբինեզոնից, շնչադիմակից, շնչառական ապարատից, լողաթաթերից,

ակնոցից, ջրային լապտերից:

77. Զրափրկարարի ամառային համազգեստ (լրակազմ):

Բաղկացած է կիսատաբատից, ժիլետից և կեպիից (պիլոտկա): **Կիսատաբատը** անջրաթափանց գործվածքից, երկու դիմային գրպաններով: **Ժիլետը՝** անջրաթափանց բալոնյա գործվածքից, շղթայով ամրացված չորս գրպաններով՝ ռադիոկայանի, փոկերի և այլ իրերի համար, թիկունքին լուսարձակող երկու ուղղահայց ժապավեններ, աջ գրպանի կենտրոնում ամրացվում է Հայաստանի Հանրապետության արտակարգ իրավիճակների նախարարության խորհրդանշանը: **Կեպին՝** կիսաբամբակյա գործվածքից, ճակատային մասում Հայաստանի Հանրապետության արտակարգ իրավիճակների նախարարության խորհրդանշաննշանով կոկարդ:

7. ՓՐԿԱՐԱՐԱԿԱՆ ԾԱՌԱՅՈՒԹՅԱՆ ԾԱՌԱՅՈՂԻ ՈՒՍԱԴԻՐՆԵՐԸ

78. Փրկարարական ծառայության գեներալների ուսադիրների վերին հատվածն ամրացված է Հայաստանի Հանրապետության զինանշանի պատկերով՝ 22 մմ տրամագծով մեկական կոճակով: Ուսադիրների կենտրոնում ամրացված են 22 մմ տրամագծով աստղեր, ընդ որում, գեներալ-լեյտենանտի համար երկու աստղ (իրարից 25 մմ հեռավորությամբ), իսկ գեներալ-մայորի համար՝ մեկ աստղ: Համազգեստի օձիքի դիմային մասում ուղղահայաց ասեղնագործված է դափնու տերև:

79. Փրկարարական ծառայության գլխավոր, ավագ և միջին կոչումներ ունեցող ծառայողների ուսադիրների վերին հատվածն ամրացված է մեկական ոսկեգույն կոճակով և 3 մմ լայնությամբ երկայնակի ոսկեգույն ժապավեններով: Ուսադիրների վրա տեղադրված են հնգաթև ուռուցիկ աստղեր՝ համաձայն N 1 աղյուսակում նշված չափսերի և քանակի.

Աղյուսակ N1

Փրկարարական ծառայության կոչումը	Աստղերի տրամագիծը (մմ)	Աստղերի քանակը	Աստղերի կենտրոնների միջև եղած հեռա- վորությունը (մմ)	Ոսադիր ներքևի եզր մինչև 1-ին աստղի կենտրոնն ընկած տարածությունը (մմ)
Գեներալ-լեյտենանտ	22	2	25	30
Գեներալ-մայոր	22	1	-	45
Գնդապետ	20	3	25	30
Փոխգնդապետ	20	2	25	30
Մայոր	20	1	-	45
Կապիտան	13	4	25	30
Ավագ լեյտենանտ	13	3	25	30

Լեյտենանտ	13	2	25	30
Ավագ ենթասպա	13	3	25	30
Ենթասպա	13	2	25	30

80. Փրկարարական ծառայության ամենօրյա համազգեստի ուսադիրներն արտադրվում են մուգ փիրուզագույն, մուգ կանաչ, բաց կապույտ և քողարկող թվային պատկերով գունավորմամբ գործվածքներից:

81. Փրկարարական ծառայության բարձրագույն կոչումներ ունեցող ծառայողների՝

1) մուգ փիրուզագույն համազգեստի ուսադիրներ՝ ոսկեգույն եզրակարերով, վրայով զիգզագաձև ասեղնագործված չորսական իրար զուգահեռ գծեր և կոչմանը համապատասխան աստղ (աստղեր),

2) քողարկող համազգեստի ուսադիրներ՝ բաց շագանակագույն (բեժ) եզրակարերով, վրայով զիգզագաձև ասեղնագործված չորսական իրար զուգահեռ գծեր և կոչմանը համապատասխան աստղ (աստղեր),

3) մուգ կանաչ համազգեստի ուսադիրներ՝ բաց կանաչ եզրակարերով, վրայով զիգզագաձև ասեղնագործված չորսական իրար զուգահեռ գծեր և կոչմանը համապատասխան աստղ (աստղեր),

82. Փրկարարական ծառայության գլխավոր և ավագ կոչումներ ունեցող փրկարարական ծառայողների՝

1) քողարկող համազգեստի ուսադիրներ՝ բաց շագանակագույն (բեժ) 4 մմ լայնքով երկայնական երիզներով, որոնք մշակված են ուսադիրի կողային եզրերից դեպի ներս՝ համապատասխանաբար 1,2 սմ հեռավորության վրա: Ուսադիրների վրա տեղադրված են պաշտպանական գույնի հնգաթև ուռուցիկ 20 մմ տրամագծով աստղեր՝ կոչմանը համապատասխան:

2) մուգ փիրուզագույն համազգեստի ուսադիրներ՝ դեղին 4 մմ լայնքով երկայնական երիզներով, որոնք մշակված են ուսադիրի կողային եզրերից դեպի ներս՝ համապատասխանաբար 1,2 սմ հեռավորության վրա: Ուսադիրների վրա տեղադրված են ոսկեգույն հնգաթև ուռուցիկ 20 մմ տրամագծով աստղեր՝ կոչմանը համապատասխան:

3) մուգ կանաչ համազգեստի ուսադիրներ՝ բաց կանաչ 4 մմ լայնքով երկայնական երիզներով, որոնք մշակված են ուսադիրի կողային եզրերից դեպի ներս՝ համապատասխանաբար 1,2 սմ հեռավորության վրա: Ուսադիրների վրա տեղադրված են հնգաթև ուռուցիկ 20 մմ տրամագծով աստղեր՝ կոչմանը համապատասխան:

83. Փրկարարական ծառայության միջին կոչումներ ունեցող փրկարարական ծառայողների՝

1) քողարկող համազգեստի ուսադիրներ՝ մեջտեղով անցնում է բաց շագանակագույն (բեժ) 4 մմ լայնքով երկայնական երիզ՝ ուսադիրի

երկարությամբ: Ուսադիրների վրա տեղադրված են պաշտպանական գույնի հնգաթև ուռուցիկ 13 մմ տրամագծով աստղեր՝ կոչմանը համապատասխան:

2) մուգ փիրուզագույն համազգեստի ուսադիրներ՝ մեջտեղով անցնում է դեղին 4 մմ լայնքով երկայնական երիզ՝ ուսադիրի երկարությամբ: Ուսադիրների վրա տեղադրված են ոսկեգույն հնգաթև ուռուցիկ 13 մմ տրամագծով աստղեր՝ կոչմանը համապատասխան:

1) մուգ կանաչ համազգեստի ուսադիրներ՝ մեջտեղով անցնում է բաց կանաչ 4 մմ լայնքով երկայնական երիզ՝ ուսադիրի երկարությամբ: Ուսադիրների վրա տեղադրված են պաշտպանական գույնի հնգաթև ուռուցիկ 13 մմ տրամագծով աստղեր՝ կոչմանը համապատասխան:

84. Փրկարարական ծառայության ավագ ենթասպա և ենթասպա կոչումներ ունեցող փրկարարական ծառայողների՝

1) մուգ կանաչ համազգեստի ուսադիրներ՝ վրան տեղադրված են ոսկեգույն հնգաթև ուռուցիկ 13 մմ տրամագծով աստղեր՝ կոչմանը համապատասխան:

2) քողարկող համազգեստի ուսադիրներ՝ վրան տեղադրված են պաշտպանական գույնի հնգաթև ուռուցիկ 13 մմ տրամագծով աստղեր՝ կոչմանը համապատասխան:

3) մուգ փիրուզագույն համազգեստի ուսադիրներ՝ վրան տեղադրված են ոսկեգույն հնգաթև ուռուցիկ 13 մմ տրամագծով աստղեր՝ կոչմանը համապատասխան:

85. Փրկարարական ծառայության ավագ, ավագ սերժանտ, սերժանտ, կրտսեր սերժանտ և շարքային կոչումներ ունեցող փրկարարական ծառայողների ուսադիրների վրա կարվում են դեղին (քողարկող համազգեստի վրա՝ շականակագույն, մուգ կանաչ համազգեստի վրա՝ բաց կանաչ) ժապավեններ՝ համաձայն N 2 աղյուսակում նշված չափսերի և քանակի:

Աղյուսակ N 2

Փրկարարական ծառայության կոչումը	Ուսադիրների վրայի ժապավենների քանակը	Ուսադիրների վրայի ժապավենների լայնությունը (մմ)	Ուսադիրների երկարությամբ ժապավենների միջև ընկած տարածությունը (մմ)
Ավագ	1	14	-
Ավագ սերժանտ	1	14	-
Սերժանտ	3	4	2

Կրտսեր սերժանտ	2	4	2
Շարքային	-		-

86. Փրկարարական ծառայության ուսադիրների երկարությունը 130 մմ է:

8. ՓՐԿԱՐԱՐԱԿԱՆ ԾԱՌԱՅՈՒԹՅԱՆ ՀԱՄԱԶԳԵՍՏԻ ՆԿԱՐՆԵՐԸ

87. Սույն գլխում ներկայացվում են համազգեստի և համազգեստի տարրերի նկարները:

Նկար 1. Փրկարար ծառայության ծառայողների համազգեստի թևքի տարբերանշան

Կոճակներ 22մմ,

ոսկեգույն

Կոճակներ 14մմ,

ոսկեգույն

Նկար 2. Փրկարար ծառայության ութաթև խորհրդանշանը, կոճակները և քաղաքացիական պաշտպանության տարբերանշանը

Նկար 3. Տոնական համազգեստի գլխարկ

Նկար 4. Տոնական համազգեստ

Նկար 5. Տոնական համազգեստի փողկապ

Նկար 6. Կանաչի տոնական համազգեստ

Նկար 7 Կանացի. տոնական համազգեստի գլխարկ (պիլոտկա)

Նկար 8. Ամենօրյա մուգ փիրուզագույն.համազգեստ

Նկար 9. Ամենօրյա քողարկող համազգեստ

Նկար 10. Ամենօրյա մուգ փիրուզագույն համազգեստի ամառային գլխարկ (փրկարարական ծառայության բարձրագույն խմբի պաշտոններ զբաղեցնող ծառայողների համար՝ կոկարդը ՀՀ զինանշանով, գլխավոր, ավագ և միջին խմբերի պաշտոններ զբաղեցնող ծառայողների համար՝ կոկարդը՝ ՀՀ ԱԻՆ խորհրդանշանով)

Նկար 11. Ամենօրյա մուգ փիրուզագույն համազգեստի գլխարկ (կեպի)

Նկար 12. Ամենօրյա մուգ փիրուզագույն համազգեստի կանացի գլխարկ (պիլոտկա)

Նկար 13.

Նկար 14. Կոշտ հովհարով, մորթե ականջակալներով ու ծոծրակամասով մուգ փիրուզագույն համազգեստի ձմեռային գլխարկ (կեպի) գլխավոր, ավագ, միջին և կրտսեր խմբերի կոչումներ ունեցող ծառայողների համար

Նկար 15. Ձմեռային կարակուլե գլխարկ, փրկարարական ծառայության բարձրագույն խմբի պաշտոններ զբաղեցնող ծառայողների համար

Նկար 16. Ամենօրյա քողարկող համազգեստի ձմեռային գլխարկ (կեպի)

Նկար 17. Ամենօրյա մուգ փիրուզագույն ձմեռային համազգեստ

Նկար 18. Ամենօրյա ձմեռային քողարկող համազգեստ

Նկար 20. Հրշեջ փրկարարի մարտական համազգեստ

Նկար 23. Արտաքին կրման գրահաբաճկոն և ռազմական սաղավարտ.

Նկար 24. Աշխատանքային համազգեստ /կոմբինեզոն/

Նկար 25. ՄԱԿ-ի միջազգային որոնողափրկարարական խորհրդատվական խմբի «INSARAG»-ի համազգեստ՝ հայկական քաղաքային որոնողափրկարարական թիմի անձնակազմի համար

Նկար 26. Սակրավորի համազգեստ

Նկար 27. Լեռնափրկարարի համազգեստի լրակազմ

Նկար 28. Ջրասուզակի համազգեստ

Նկար 29: Գլխարկի կոկարդներ, տարբերանշաններ

Հայաստանի Հանրապետության

վարչապետի աշխատակազմի

ղեկավար

Էդ. Աղաջանյան

Հավելված N 2

Հայաստանի Հանրապետության կառավարության

2020 թվականի _____-ի N _____-Լ որոշման

ՓՐԿԱՐԱՐԱԿԱՆ ԾԱՌԱՅՈՒԹՅԱՆ ՀԱՄԱԶԳԵՍՏԻ ՏՐՄԱՆ ԿԱՐԳԸ

ԵՎ ՕԳՏԱԳՈՐԾՄԱՆ ԺԱՄԿԵՏՆԵՐԸ

1. 1. ԸՆԴՀԱՆՈՒՐ ԴՐՈՒՅԹՆԵՐ

- 1 Սույն հավելվածով սահմանվում են փրկարարական ծառայողներին համազգեստ տալու կարգը և համազգեստի օգտագործման ժամկետները:
- 2 Փրկարարական ծառայության համազգեստ տրամադրելը ենթադրում է փրկարարական ծառայողին սույն որոշման N1 հավելվածով սահմանված ձևի համազգեստով, տարբերանշաններով, ուսանշաններով և համազգեստի մասը կազմող այլ պարագաներով ապահովում:
- 3 Փրկարարական ծառայության համազգեստը տրամադրվում է սույն հավելվածով սահմանված կարգով և օգտագործման ժամկետներով:
- 4 Փրկարարական ծառայության համազգեստ տրամադրելու համար հիմք է փրկարարական ծառայության անցնելու մասին համապատասխան իրավական ակտը:
- 5 Այլ ստորաբաժանումներ փրկարարական ծառայողի տեղափոխման դեպքում նրան տրվում է համազգեստով ապահովելու մասին համապատասխան վկայական:

2. ՓՐԿԱՐԱՐԱԿԱՆ ԾԱՌԱՅՈՒԹՅԱՆ ՀԱՄԱԶԳԵՍՏԸ ՏԱԼՈՒ ԿԱՐԳԸ

ԵՎ ՕԳՏԱԳՈՐԾՄԱՆ ԺԱՄԿԵՏՆԵՐԸ

1. Փրկարարական ծառայողին համազգեստի ուսադիրներ, տարբերանշաններ, թևքանշաններ և համազգեստի մասը կազմող այլ պարագաներ հատկացվում են հասանելիք համազգեստի հետ միասին:
2. Փրկարարական ծառայողները, շնորհված կոչմանը համապատասխան, ապահովվում են սույն որոշման N1 հավելվածով նախատեսված համազգեստի ամբողջ լրակազմով:
3. Փրկարարական ծառայության տոնական համազգեստի օգտագործման ժամկետներն են՝

N	Անվանումը	Քանակը մարդու համար
1.	Տոնական համազգեստի կիսաբրդյա գլխարկ	1 հատ
2.	Տոնական համազգեստի կիսաբրդյա կիտել՝ տաբատով	1 հատ
3.	Տոնական համազգեստի կիսաբրդյա կիտել՝ կիսաշրջազգեստով	1 հատ
4.	Տոնական համազգեստի փողկապ	1 հատ
5.	Տոնական համազգեստի գոտի	1 հատ
6.	Տոնական համազգեստի ձեռնոց	1 հատ
7.	Տոնական համազգեստի սպիտակ վերնաշապիկ՝ երկարաթև	1 հատ
8.	Տոնական համազգեստի սպիտակ վերնաշապիկ՝ կարճաթև	1 հատ
9.	Տոնական համազգեստի ուսադիր	2 զույգ
11.	Տոնական համազգեստի պիլոտկա՝ կանացի	1 հատ
12.	Տոնական համազգեստի շարֆ	1 հատ
13.	Տոնական համազգեստի ձմեռային վերարկու	1 հատ
15.	Տոնական համազգեստի երկարաճիտք կոշիկ	1 զույգ

-

4. Թույլատրվում է՝ սույն հավելվածի 9-րդ կետի աղյուսակի 7-րդ և 8-րդ կետերով սահմանված կարճաթև վերնաշապիկը փոխարինել երկարաթև վերնաշապիկով և հակառակը,
5. Փրկարարական ծառայության ամենօրյա համազգեստի օգտագործման ժամկետներն են՝

N	Անվանումը	Քանակը մարդու համար
	Ամենօրյա մուգ փիրուզագույն համազգեստ (տաբատ, բաճկոն, կեպի)	1 լրակազմ
	Ամենօրյա մուգ փիրուզագույն համազգեստի կապույտ շապիկ (մայկա)՝ կարճաթև, առանց օձիքի	1 հատ
	Ամենօրյա մուգ փիրուզագույն համազգեստի կապույտ շապիկ (մայկա)՝ երկարաթև, առանց օձիքի	1 հատ
	Ամենօրյա համազգեստի ուսադիր	2 զույգ

Ամենօրյա սպայական կոշիկ	1 զույգ
Կիսաճտքավոր (ճտքավոր) կոշիկ	1 զույգ
Երկարաճիտք կոշիկ	1 զույգ
Ամենօրյա համազգեստի կաշեգոտի	1 հատ
Ամենօրյա մուգ փիրուզագույն ամառային համազգեստ	1 լրակա
(բաճկոն կարճաթև, տաբատ, կեպի)	
Ամենօրյա կիտել-տաբատ	1 լրակա
Ձմեռային երկարաթև և անթև (ծիլետ) փիրուզագույն սվիտեր	1 հատ
Ձմեռային փիրուզագույն գլխարկ	1 հատ
Ձմեռային փիրուզագույն բաճկոն և տաբատ	1 լրակա
Ձեռնոց ձմեռային	1 զույգ
Ձեռնոց ամենօրյա	1 հատ
Կարակուլե ձմեռային գլխարկ	1 հատ
Ամենօրյա քողարկող համազգեստ (բաճկոն, տաբատ, կեպի)	1 լրակա
Ամենօրյա քողարկող համազգեստի բաց շագանակագույն շապիկ (մայկա)՝ կարճաթև, առանց օձիքի	1 հատ
Ամենօրյա քողարկող համազգեստի բաց շագանակագույն շապիկ (մայկա)՝ երկարաթև, առանց օձիքի	1 հատ
Ամենօրյա քողարկող համազգեստի ուսադիր	2 զույգ
Ամենօրյա քողարկող ամառային համազգեստ (բաճկոն կիսաթև, տաբատ, կեպի)	1 լրակա
Ձմեռային քողարկող՝ երկարաթև սվիտեր	1 հատ
Ձմեռային քողարկող սվիտեր՝ անթև	1 հատ
Ձմեռային քողարկող բաճկոն և տաբատ	1 լրակա
Ձմեռային քողարկող գլխարկ	1 հատ
Ամենօրյա քողարկող համազգեստի գոտի	1 հատ
ՔՊ մուգ կանաչ համազգեստի լրակազմ	1 լրակա
ՔՊ մուգ կանաչ համազգեստի ձմեռային բաճկոն և տաբատ	1 լրակա
ՔՊ մուգ կանաչ համազգեստի ձմեռային երկարաթև սվիտեր	1 հատ
ՔՊ մուգ կանաչ համազգեստի ձմեռային կարճաթև սվիտեր	1 հատ
ՔՊ մուգ կանաչ համազգեստի ձմեռային գլխարկ	1 հատ
ՔՊ մուգ կանաչ համազգեստի ուսադիր	2 զույգ
Ամենօրյա սև համազգեստի լրակազմ	1 լրակա
Սև համազգեստի ձմեռային բաճկոն և տաբատ	1 լրակա
Սև համազգեստի ձմեռային երկարաթև սվիտեր	1 հատ
Սև համազգեստի ձմեռային կարճաթև սվիտեր (ծիլիտ)	1 հատ
Սև համազգեստի ձմեռային գլխարկ	1 հատ
Ջրափրկարարի ամառային համազգեստ	1 լրակա
Ջրասուզակի ամառային հանդերձանք	1 լրակա
Ջրասուզակի ձմեռային հանդերձանք	1 լրակա
Քիմիական, մանրէաբանական և այլ ախտահարման օջախներում աշխատելու համար պաշտպանիչ համազգեստ	1 լրակա
ՄԱԿ-ի միջազգային որոնողափրկարարական խորհրդատվական խմբի «INSARAG»-ի համազգեստ	1 լրակա
ՄԱԿ-ի միջազգային որոնողափրկարարական խորհրդատվական խմբի «INSARAG»-ի ձմեռային համազգեստ	1 լրակա
Սակրավորի համազգեստ	1 լրակա
Աշխատանքային համազգեստ /կոմբինեզոն/	1 լրակա
Ռազմական սաղավարտ	1 հատ

Չրահաբաճկոն	1 հատ
Թիկնոց-անձրևանոց	1 հատ
Երկարաճիտք կոշիկներ՝ հրակայուն, ջրակայուն	1 զույգ
Մարտական հագուստ	1 լրակա
Փրկարարի ձմեռային համազգեստ	1 լրակա
Փրկարարի ձմեռային ժիլետ	1 հատ
Փրկարարի ձմեռային տաբատ	1 հատ
Փրկարարի ձմեռային կոշիկներ	1 զույգ
Ձմեռային կիսաբաճկոն	1 հատ
Լեռնափրկարարի հանդերձանք	1 լրակա

-

-

- Մուգ կանաչ գույնի համազգեստը կրում են քաղաքացիական պաշտպանության բոլոր ստորաբաժանումների ծառայողներն ու Փրկարար ծառայության տնօրենի հրամանով սահմանված՝ այլ ստորաբաժանումների ծառայողներ:
- Փրկարար ծառայության նվազախումբը հանդերձավորվում է տոնական և ամենօրյա համազգեստով:
- Նախարարի կողմից սահմանված կարգով, փրկարարական ծառայության համազգեստը, որպես անհատական հուշանվեր, կարող է տրամադրվել միջազգային և տեղական այլ կառույցների գործընկերներին:
- Ամենօրյա մուգ փիրուզագույն համազգեստը (լրակազմ) հատկացվում է բոլոր փրկարարական ծառայողներին:
- Փրկարարական ծառայության կոմբինեզոնը կամ աշխատանքային համազգեստը հատկացվում են հերթապահության մեջ ընդգրկված փրկարարական ծառայողներին և Փրկարար ծառայության տնօրենի հրամանով սահմանված այլ ծառայողներին (փրկարարական աշխատանքներին ներգրավված ծառայողներ, վարորդներ, վարպետներ և այլն):
- Կոմբինեզոն կրելու իրավունք ունեցող փրկարարական ծառայողների ամենօրյա մուգ փիրուզագույն համազգեստի կրման ժամկետը՝ սահմանել 2 տարի, եթե կոմբինեզոնն ու ամենօրյա համազգեստը հատկացվել են միևնույն տարում:
- Փրկարարական ծառայողին միևնույն տարում կամ 6 ամսվա ընթացքում մուգ փիրուզագույն և մուգ կանաչ կամ քողարկող ամենօրյա համազգեստ հատկացնելու դեպքում, համազգեստների կրման ժամկետը սահմանել 2 տարի:
- Փրկարարական ծառայողին միևնույն տարում կամ 6 ամսվա ընթացքում մուգ փիրուզագույն և մուգ կանաչ կամ քողարկող ձմեռային համազգեստ հատկացնելու դեպքում, համազգեստների կրման ժամկետը սահմանել 5 տարի:
- Ամենօրյա մուգ փիրուզագույն համազգեստի ձմեռային բաճկոնի և գլխարկի կրման ժամկետ սահմանել՝ հերթապահության մեջ ընդգրկված փրկարարական ծառայողների համար 3 տարի, իսկ շտաբային ծառայողների համար՝ 4 տարի:
- Քողարկող համազգեստի ձմեռային բաճկոնի և գլխարկի կրման

Ժամկետ սահմանել՝ հերթապահությունում ընդգրկված փրկարարական ծառայողների համար 3 տարի, իսկ շտաբային ծառայողների համար՝ 4 տարի:

- Քաղաքացիական պաշտպանության մուգ կանաչ համազգեստի ձմեռային բաճկոնի և գլխարկի կրման ժամկետ սահմանել՝ հերթապահությունում ընդգրկված փրկարարական ծառայողների համար 3 տարի, իսկ շտաբային ծառայողների համար՝ 4 տարի:
- Կապույտ վերնաշապիկն (երկարաթև ու կարճաթև) առանց կիտելի կրելու դեպքում ուսադիրը բաց կապույտ երանգով, որի երկայնքով, մեջտեղով անցնում է 4 մմ լայնքով դեղին երիզ՝ կոչմանը համապատասխան:
- Թույլատրվում է սույն հավելվածի 11-րդ կետի աղյուսակի 5-րդ, 6-րդ, 7-րդ կետերով սահմանված կոշիկները փոխարինել կիսաճտքավոր (ճտքավոր) կամ երկարաճիտ կոշիկներով և հակառակը:
- Կիսաճտքավոր (ճտքավոր) կոշիկի կրման ժամկետ սահմանել՝ հերթապահությունում ընդգրկված փրկարարական ծառայողների համար 1 տարի, իսկ շտաբային ծառայողների համար՝ 2 տարի:
- Շտաբային ծառայողներին միևնույն տարում ճտքավոր և ամենօրյա կոշիկ հատկացնելու դեպքում, կրման ժամկետ սահմանել 3 տարի:
- ՄԱԿ-ի միջազգային որոնողափրկարարական խորհրդատվական խմբի «INSARAG»-ի համազգեստը տրամադրվում է միայն այդ խմբում ընդգրկված ծառայողներին:
- Սև գույնի համազգեստը կրելու իրավունք ունեն միայն ԱԻ նախարարը և նրա տեղակալները:
- Արտակարգ իրավիճակների կամ դեպքի վայրում վնասված, ժամկետից շուտ շարքից դուրս եկած, հետագա օգտագործման համար ոչ պիտանի համազգեստի դուրս գրումը և փոխարինումը կատարվում է փրկարարական ծառայողի բացատրության կամ նրա անմիջական հրամանատարների (պետերի) ղեկուցագրերի հիման վրա:

24. Ծառայությունից արձակվելու դեպքում, փրկարարական ծառայողի՝

1) մարտական, քիմիական, մանրէաբանական և այլ ախտահարման օջախներում աշխատելու պաշտպանիչ, սակրավորի, ջրասուզակի, լեռնափրկարարի, «INSARAG»-ի համազգեստը, գրահաբաճկոնը և սաղավարտը հանձնվում է տվյալ ջոկատին.

2) ծառայողի ազատվելու ժամանակ, բացառությամբ՝ կենսաթոշակի անցնելու դեպքերի, ամենօրյա և տոնական համազգեստը, եթե չի անցել կրման ժամկետի կեսը, հանձնվում է իր ստորաբաժանմանը:

-

Հայաստանի Հանրապետության

վարչապետի աշխատակազմի

ղեկավար

Էդ. Աղաջանյան

ՆԱԽԱԳԻԾ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

2020 թվականի _____ N _____ -Ն

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2006 ԹՎԱԿԱՆԻ
ՓԵՏՐՎԱՐԻ 2-Ի N249-Ն ՈՐՈՇՈՒՄՆ ՈՒԺԸ ԿՈՐՑՐԱԾ ՃԱՆԱԶԵԼՈՒ ՄԱՍԻՆ**

Ղեկավարվելով «Նորմատիվ իրավական ակտերի մասին» Հայաստանի Հանրապետության օրենքի 36-րդ հոդվածի 1-ին մասի 1-ին կետով և 5-րդ մասով, 37-րդ հոդվածի 1-ին մասով՝ Հայաստանի Հանրապետության կառավարությունը *որոշում է*.

1. Ուժը կորցրած ճանաչել Հայաստանի Հանրապետության կառավարության 2006 թվականի փետրվարի 2-ի «Փրկարարական ծառայության համագգեստի ձևը, տալու կարգը և օգտագործման ժամկետները սահմանելու մասին» N 249-Ն որոշումը:
2. Սույն որոշումն ուժի մեջ է մտնում պաշտոնական հրապարակմանը հաջորդող օրվանից:

Հայաստանի Հանրապետության
վարչապետ
Փաշինյան

Ն.